

Bosna i Hercegovina
Federacija Bosne i Hercegovine
Kanton Središnja Bosna-Srednjobosanski Kanton
KANTONALNO TUŽILAŠTVO/ TUŽITELJSTVO
T R A V N I K
Broj: T06 0 KTOV 0027054 23
Datum, 19.09.2023.godine,

OPĆINSKI SUD TRAVNIK

Na temelju odredbe člana 45 stav 2 tačka i, člana 241 stav 1 Zakona o kaznenom postupku Federacije Bosne i Hercegovine, podižem

O P T U Ź N I C U

Protiv:

1. **GORAN PAKLARČIĆ** rođen 1989. godine,
2. **SANJIN GAZIĆ** rođen 1988.godine,
3. **DALIBOR AUGUSTINOVIĆ** rođen 1988. godine.

ŠTO SU:

U periodu 2016. do 2020. godine, u cilju učinjenja kaznenih djela propisanim Zakonom u Federaciji Bosne i Hercegovine, Goran Paklarčić organizirao udruženje tri osobe za vršenje kaznenih djela, iako svjestan da je organiziranje udruženja tri ili više osoba radi učinjenja kaznenih djela propisanim Zakonom Federacije zabranjeno i htio to, čiji su članovi postali Sanjin Gazić i Dalibor Augustinović, iako svjesni da pristupanje udruženju organiziranom radi činjenja kaznenih djela propisanih Zakonom Federacije BiH je zabranjeno i htjeli to, pa su kao udruženje, a u namjeri sticanja protupravne imovinske koristi u naznačenom periodu fingirali prometne nezgode na području Kantona Središnja Bosna, kako bi osigurali pravni osnov za nepripadajuću naplatu štete od osiguravajućih kuća, u okviru čega su angažirali više drugih osoba koje su uz novčanu naknadu sudjelovale u pojedinim radnjama, pa su na taj način:

Goran Paklarčić, Dalibor Augustinović, Sanjin Gazić,

1. Dana 05.01.2020. godine oko 00,20 sati, po prethodnom dogovoru i zajedno sa Đ. M. i M. I., na magistralnoj cesti M-5 u mjestu Donja Trebeuša, općina Travnik, u namjeri pribavljanja protupravne imovinske koristi Goranu Paklarčić fingirali prometnu nezgodu tako što je Goran Paklarčić prethodno uvezao vozilo marke Audi Q7 sa potpuno havarisanom karoserijom i oštećenjima na šasiji i motoru na ime Dž. G., a zatim isto na neutvrđen način registrirao na ime M. S. kao vozilo bez oštećenja i dobio registarske tablice broj ***, nakon čega je po dogovoru **Dalibor Augustinović** u svojoj automehaničarskoj radnji u mjestu Divjak, općina Vitez otklonio mehaničke kvarove i vozilo doveo u vozno stanje, a zatim na zahtjev **Gorana Paklarčića** isto odveo i držao u mjestu Veliki Mošunj, općina Vitez, kako vozilo ne bi bilo uočeno kao vozilo sa havarisanom karoserijom, a dana 05.01.2020.godine u večernjim satima vozilom BMW X3, vlasništvo **A. A.**, koji je ovo vozilo ustupio Goranu Paklarčić za koje je bila zakačena prikolica,

vozilo dovezli u automehaničarsku radionicu vlasništvo **Dalibora Augustinovića** a odatle po dogovoru i planu koji je prezentirao **Goran Paklarčić** se uputili na dogovorenu lokaciju za fingiranje prometne nezgode i to **Sanjin Gazić** upravljajući vozilom BMW X3 sa utovarenim vozilom Audi Q7 na prikolici a sa njim u vozilu **Đ. M.**, a **Dalibor Augustinović** u vozilu VW Sharan zajedno sa **Goranom Paklarčić, a M. I.** se u vozilu VW-UP, registarskih oznaka ***, koje je, po dogovoru sa **Goranom Paklarčić**, prethodno iznajmio u auto kući „CM Cosmetic“ u Vitezu, iz Travnika uputio na dogovorenu lokaciju gdje je po uputama Gorana Paklarčića vozilo postavio na određenu poziciju na kolovozu, a nakon toga je Goran Paklarčić upravljajući vozilom Audi Q7, koje je prethodno po dogovoru upalio Dalibor Augustinović i spustio sa prikolice na tlo, iz pravca Komara u pravcu Turbeta ostvario kontakt sa vozilom VW-UP, reg. oznaka **, pa kako je pri tome vozilo Audi Q7 ostalo na kolovozu, a trebalo je po dogovoru završiti niz strminu pored kolovoza, **Sanjin Gazić** je na zahtjev **Gorana Paklarčića** upravljajući vozilom VW Sharan nekoliko puta ponavljajući radnju kretanja unatrag udario u vozilo Audi Q7 kako bi ga odgurao niz strminu pored kolovoza u čemu je uspio, kojom prilikom je došlo do prevrtanja vozila i time stvaranja dojma da su oštećenja na karoseriji i druga oštećenja nastala u tom a ne u nekom drugom događaju, nakon čega su se **Goran Paklarčić i Sanjin Gazić** vozilom VW Sharan udaljili sa lica mjesta a **Dalibor Augustinović** vozilom BMW X3, a **M. I. i M. Đ.** su po dogovoru sa **Goranom Paklarčić** ostali na licu mjesta lažno se predstavljajući kao vozači i to **M. I.** vozila VW-UP, reg. oznaka ***, a **M. Đ.** vozila Audi Q7 reg. oznaka J71-T-904, policajce Policijske stanice Travnik M. K. i B. S. lažnim izjavama doveli u zabludu i naveli ih da sačine Izvještaj o uviđaju/očevidu prometne/saobraćajne nezgode broj: 02/7-3-1-04-6-12/20 od 05.01.2020. godine u kojem su navedeni lažni podaci o učesnicima prometne nezgode i da se dogodila stvarna prometna nezgoda na način kako je to opisano u zapisniku, nakon čega je **Goran Paklarčić**, u namjeri pribavljanja protupravne imovinske koristi, koristeći tako sačinjen zapisnik kao pravi, iako je znao da se nije dogodila stvarna prometna nezgoda, podnio zahtjev za naplatu štete na vozilu Audi Q7 osiguravajućoj kući „Central Osiguranje“ d.d. Podružnica Ljubuški i time pokušao odgovorne osobe u toj osiguravajućoj kući dovesti u zabludu i navesti ih da isplate štetu po predračunu u iznosu od 53.000,00 KM pa kada je uočeno da je fingirana prometna nezgoda zahtjev je odbijen.

Goran Paklarčić, Dalibor Augustinović i Sanjin Gazić

2. Dana 11.09.2017.godine oko 23,00 sati po prethodnom dogovoru i zajedno u namjeri pribavljanja protupravne imovinske koristi Goranu Paklarčić, u mjestu Orašac, općina Dobretići, fingirali prometnu nezgodu tako što su se po dogovoru ispred kuće **Sanjina Gazića** u naselju Kalibunar u Travniku uputili na dogovorenu lokaciju vozilima VW Golf reg. oznaka J38-T-686, registrirano na ime osobe Vojislav Agić, a prethodno komisionim ugovorom o komisionoj prodaji od 04.08.2017.godine preneseno u vlasništvo osobe E. Š., i vozilom BMW X6, reg. oznaka ***, nakon čega je po dogovoru **Dalibor Augustinović** sa suvozačem u vozilu **M. P.** po uputama **Gorana Paklarčića** postavio u dogovoreni položaj na kolovozu vozilo VW Golf, pa kada su **Sanjin Gazić i Ramić Adnan** po dogovoru sa pozicije na kojoj imaju pregled kretanja saobraćaja na toj lokaciji korištenjem mobitela dojavili **Goranu Paklarčiću** da je cesta slobodna, **Goran Paklarčić** je upravljajući vozilom BMW X6 ostvario kontakt sa ovim vozilom VW Golf, nakon čega se on udaljio sa lica mjesta, a po dojavi i dolasku policijske patrole policijske stanice Jajce radi uviđaja **Dalibor Augustinović i M. P.** im dali lažne izjave da se dogodila stvarna prometna nezgoda i tako ih naveli da sačine Izvještaj o izvršenom prekršaju sa saobraćajnom nezgodom broj: 02/5-3-04-6-2-108/17 od 11.09.2017.godine, koji je nakon toga osumnjičeni **Goran Paklarčić**

upotrijebio kao pravi u postupku naknade štete na vozilu BMW X6 nakon čega je **R. A.** po dogovoru svojim vozilom marke „Opel Astra“ učesnike događaja odvezao u pravcu Travnika, a **Goran Paklarčić** koristeći ovako sačinjen izvještaj sa lažnim podacima upotrijebio u postupku naplate štete za vozilo Golf od osiguravajućeg društva Wiener osiguranje, iako je znao da se nije dogodila stvarna nezgoda, pa je doveo u zabludu odgovorne osobe društva Wiener osiguranje i htijući to, koje su u uvjerenju da se radilo o stvarnoj prometnoj nezgodi odobrilo i na teret tog osiguranja izvršili isplatu u ukupnom iznosu od 17.502,39 KM, koja je uplaćena po dogovoru na račun E. Š., supruge osumnjičenog Sanjina Gazića.

Goran Paklarčić, Dalibor Augustinović i Sanjin Gazić

3. Dana 17.05.2019.godine, po prethodnom dogovoru, a u namjeri pribavljanja protupravne imovinske koristi, u dvorištu kuće koju koristi **Sanjin Gazić** se dogovorili da na magistralnoj cesti M-5 u mjestu Duge Luke Kraljevice općina Travnik fingiraju prometnu nezgodu sa unaprijed dogovorenim ulogama, a pritom su za novčani iznos od 300,00 KM dogovorili sa osobom **S. H.** i **L. E.** da se **S. H.** i **L. E.** na uviđaju prijave kao učesnici prometne nezgode, pa su po tom dogovoru u dvorištu kuće **Sanjina Gazića** u mjestu Kalibunar u Travniku utvrdili način fingiranja prometne nezgode, nakon čega su oko 21,15 sati se vozilima koja će biti korištena za izvršenje dogovorene radnje krenuli na dogovorenu lokaciju Duge Luke i to **Goran Paklarčić** upravljajući vozilom „Mercedes“ reg. oznaka *** registrirano na ime osobe V. E., a koje je prethodnog dana 24.04.2019.godine komisionim ugovorom formalno preneseno u vlasništvo osobe B. N., a **Dalibor Augustinović** vozilom marke „Volvo“ reg. oznaka ***, sa suvozačem u vozilu **S. H.** pa kada su na lokaciji Duge Luke (Kraljevice) na magistralnoj cesti ostvarili radnje zamišljene prometne nezgode tako što je **Goran Paklarčić** sa vozilom „Mercedes“ iz pravca Turbeta prema Travniku prešao na lijevu kolovoznu traku, a **Dalibor Augustinović** vozilom „Volvo“ izišao sa sporednog puta sa lijeve strane u odnosu na kretanje vozila „Mercedes“, gdje je došlo do manjeg kontakta nakon čega je **Goran Paklarčić** vozilo „Mercedes“ pustio u šibljje s desne strane puta, a zatim istrčao iz vozila, a **Dalibor Augustinović** istrčao iz vozila „Volvo“ nakon čega je po dogovoru u vozilo „Mercedes“ sjela **S. H.**, a u vozilo „Volvo“ **L. E.**, pa su na taj način davanjem lažnih podataka policajce policijske stanice Travnik doveli u zabludu da zaključe da se dogodila stvarna prometna nezgoda i da su oštećenja na vozilu nastala u tom događaju i naveli ih da sačine Zapisnik o uviđaju/očevid prometne/saobraćajne nezgode pod brojem:02/7-3-1-04-6-285/19 od 17.05.2019.godine sa lažnim podacima da su oni učesnici prometne nezgode i da se dogodila prometna nezgoda na način kako je to opisano u zapisniku, nakon čega je **Goran Paklarčić** takav zapisnik upotrijebio uz zahtjev za isplatu štete na vozilu „Mercedes“, a na ime osobe Bektaš Nusret, iako je znao da se nije dogodila stvarna prometna nezgoda i time htio da dovede u zabludu odgovorne osobe društva Grawe osiguranje i htijući to, koje je, a nakon što je utvrđeno da se radi o fingiranoj prometnoj nezgodi, zahtjev za isplatu štete odbilo kao neosnovan.

Goran Paklarčić, Dalibor Augustinović i Sanjin Gazić

4. Dana 10.07.2019. godine po prethodnom dogovoru i zajedno, u namjeri pribavljanja protupravne imovinske koristi Goranu Paklarčić, u mjestu Kraljevice na raskrižju magistralne ceste M-5 i lokalnog puta za naselje Kraljevice, općina Travnik fingirali prometnu nezgodu tako što su prethodno u dvorištu kuće **Gazić Sanjina** u naselju Kalibunar u Travniku se dogovorili sa osobom **R. A.** i **A. M.** da na uviđaju, uz dogovorenu novčanu naknadu od 300,00 KM, ovlaštenim

službenim osobama Policijske stanice Travnik dadnu lažan iskaz da su oni upravljali vozilima u trenutku prometne nezgode, nakon čega je **Sanjin Gazić** svima radi komunikacije podijelio mobilne aparate sa posebnim SIM karticama, pa se po tom dogovoru, na dogovorenu lokaciju dovezli sa već ranije oštećenim vozilom u nekom drugom događaju i to vozilom VW „Golf VII“ registarskih oznaka ***, vlasništvo Paklarčić Gorana, a registrirano na ime G. Đ., se dovezao **Goran Paklarčić**, a vozilom „Audi Q5“, registarskih oznaka *** **Dalibor Augustinović**, zajedno sa **A. M.**, a na poziv **Gorana Paklarčića** od svoje kuće iz mjesta Turići općina Travnik je došao **R. A.**, nakon čega je **Dalibor Augustinović** postavio vozilo „Audi“, na dogovorenu poziciju u samom raskrižju, a **Goran Paklarčić** je vozilom „Golf“, ušao u raskrižje lokalnom cestom iz pravca Kraljevica te blago lijevom stranom zakačio vozilo „Golf“ a nakon toga prednjim dijelom vozila udario u zaštitnu ogradu s desne strane magistralne ceste, nakon čega su **Goran Paklarčić i Dalibor Augustinović** po dogovoru pobjegli s lica mjesta, odakle ih je vozilom odveo po dogovoru **Sanjin Gazić**, a po dolasku policajaca policijske stanice Travnik na uviđaj **R. A.** je po dogovoru dao lažan iskaz da je on upravljao vozilom „Golf“ a **A. M.** lažan iskaz da je upravljala vozilom „Audi“ i tako naveli policajce Policijske stanice Travnik da sačine Zapisnik o uviđaju/očevid prometne/saobraćajne nezgode sačinjen od strane Policijske stanice Travnik pod brojem 02/7-3-1-04-6-415/19 od 10.07.2019. godine, nakon čega je **Goran Paklarčić** u namjeri pribavljanja protupravne imovinske koristi takav zapisnik upotrijebio uz zahtjev za isplatu štete na vozilu „Golf“, iako je znao da se nije dogodila stvarna prometna nezgoda i da će dovesti time u zabludu odgovorne osobe Euroherc osiguranja, a što je i htio, koje osiguranje je u uvjerenju da se radilo o stvarnoj prometnoj nezgodi, izvršilo isplatu štete u iznosu od 19.569,00 KM, na račun G. Đ., koji novac je nakon toga u cijelosti predao Goranu Paklarčić koji je u tom iznosu pribavio protupravnu imovinsku korist.

Goran Paklarčić, Dalibor Augustinović i Sanjin Gazić

5. Dana 26.09.2019.godine oko 23,20 sati, po prethodnom dogovoru i zajedno, u namjeri pribavljanja protupravne imovinske koristi Goranu Paklarčić, u mjestu Duge Luke na magistralnoj cesti M-5, općina Travnik po planu koji je prethodno osmislio **Goran Paklarčić** fingirali prometnu nezgodu tako što su u dvorištu kuće **Sanjina Gazića** u naselju Kalibunar općina Travnik **Goran Paklarčić i Sanjin Gazić** pripremili vozila koja će biti korištena za fingiranje prometne nezgode i to vozilo „Mercedes“ registarskih oznaka ***, vozilo „Audi A8“ probnih reg. oznaka ***, za koje je Goran Paklarčić pribavio probne tablice na ime osobe R. R. i vozilo VW „Tiguan“ reg. oznaka ***, a koja vozila su već bila oštećena, pa su po tom dogovoru dogovorili za novčanu naknadu u iznosu od po 300,00 KM da **S. H., R. A. i N. B.** ovlaštenim službenim osobama PS Travnik dadnu lažne izjave da su oni učesnici prometne nezgode, a zatim po tom dogovoru su svi zajedno krenuli sa tim vozilima na dogovorenu lokaciju i to tako što je **Goran Paklarčić** upravljao vozilom VW „Tiguan“ **Sanjin Gazić** vozilom „Audi“ a sa njim u vozilu kao suvozač je bio **R. A.**, a vozilom „Mercedes“ je upravljao **Dalibor Augustinović**, a sa njim u vozilu je bila **H. S.**, pa kada su došli na dogovorenu lokaciju i kada su ocijenili da nema drugih vozila na cesti, **Goran Paklarčić** se vozilom VW „Tiguan“ uputio magistralnom cestom u pravcu Travnika te kada se našao u blizini sporednog puta sa lijeve strane naglo je skrenuo u lijevo na lijevu kolovoznu traku, u kojem trenutku je po dogovoru **Dalibor Augustinović** vozilom „Mercedes“ blago izišao na magistralnu cestu, nakon čega je **Goran Paklarčić** vozilom VW „Tiguan“ sišao u granje s desne strane ceste, a **Sanjin Gazić** je po dogovoru vozilom Audi iz istog

pravca naišao pored vozila „Mercedes“ te s tim vozilom simulirajući da je došlo do kontakta skrenuo u jarak sa lijeve strane kolovoza, nakon čega su **Goran Paklarčić, Sanjin Gazić i Dalibor Augustinović** pobjegli s lica mjesta, a po dolasku ovlaštenih službenih osoba na uviđaj, **R. A., S. H. i N. B.** su po prethodnom dogovoru dali lažne izjave da se dogodila stvarna prometna nezgoda i da su oni upravljali vozilima i to **R. A.** vozilom „Audi“ **S. H.** vozilom „Mercedes“, a **N. B.** vozilom VW „Tiguan“ i tako naveli policajce Policijske stanice Travnik da sačine Zapisnik o uviđaju/očevid prometne/saobraćajne nezgode sačinjen od strane Policijske stanice Travnik pod brojem: 02/7-3-1-04-6-622/19 od 26.09. 2019. godine, sa lažnim podacima da se nezgoda dogodila na način kako je to opisano u zapisniku, nakon čega je **Goran Paklarčić** takav zapisnik upotrijebio uz zahtjev za isplatu štete na vozilu Audi A8, iako je znao da se nije dogodila stvarna prometna nezgoda i da će dovesti time u zabludu odgovorne osobe Adriatic osiguranja, a što je i htio, koje osiguranje je u uvjerenju da se radilo o stvarnoj prometnoj nezgodi, izvršilo isplatu štete dana 29.01.2020.godine na račun osobe R. R. u iznosu od 4.491,72 KM, koji iznos je R. R. nakon podizanja sa računa predao u cjelokupnom iznosu Goranu Paklarčiću, koji je za taj iznos sebi pribavio protupravnu imovinsku korist.

Goran Paklarčić i Sanjin Gazić

6. Dana 17.12.2019.godine oko 20,30 sati, po prethodnom dogovoru i zajedno, u namjeri pribavljanja protupravne imovinske koristi Sanjinu Gazić, u mjestu Vrelo općina Travnik na magistralnoj cesti M-5, fingirali prometnu nezgodu tako što su u dvorištu kuće **Sanjina Gazića** u naselju Kalibunar u Travniku **Goran Paklarčić i Sanjin Gazić** pripremili vozila koja će biti korištena za fingiranje prometne nezgode i to vozilo marke „Škoda Fabia“, reg. oznaka *** i vozilo „VW Golf“, reg. oznaka **** a koja vozila su već bila oštećena, pa su po tom dogovoru dogovorili za novčanu naknadu u iznosu od 300,00 KM da **R. A. i Š. E.** ovlaštenim službenim osobama PS Travnik dadnu lažne izjave da su oni učesnici prometne nezgode, pa su po tom dogovoru svi zajedno krenuli sa tim vozilima na dogovorenu lokaciju i to tako što je **Goran Paklarčić** upravljao vozilom „Golf“, a za to vrijeme je sa njim u vozilu bio **E. Š.**, a **Sanjin Gazić** je upravljao vozilom „Škoda Fabia“ a sa njim u vozilu je bio **R. A.**, pa kada su krećući se iz pravca Turbeta po dogovoru vozilom „Golf“ ispred a „Škoda Fabia“ iza tog vozila stigli na dogovorenu lokaciju, **Sanjin Gazić** je po prethodnom dogovoru ostvario manji kontakt prednjim krajem vozila „Škoda Fabia sa zadnjim krajem vozila „Golf“, nakon čega je vozilo „Golf“ skrenulo u desnu stranu u granje, a po dolasku ovlaštenih službenih osoba na uviđaj **R. A. i E. Š.** su dali lažne izjave da su oni upravljali vozilima i to **R. A.** vozilom „Škoda Fabia“, a **E. Š.** vozilom „Golf“ i tako naveli policajce Policijske stanice Travnik da sačine Zapisnik o uviđaju/očevid prometne/saobraćajne nezgode sačinjen pod brojem 02/7-3-1-04-6-803 /19 od 17.12. 2019. godine, sa lažnim podacima da se nezgoda dogodila na način kako je to opisano u zapisniku, nakon čega je **Sanjin Gazić** takav zapisnik upotrijebio uz zahtjev za isplatu štete na vozilu „Golf“, a na ime E. Š., kao vlasnika vozila, iako je znao da se nije dogodila stvarna nezgoda i da može dovesti u zabludu odgovorne osobe u Croatia osiguranju, što je i htio, pa kada je u fazi obrade zahtjeva utvrđeno da se nije dogodila stvarna nezgoda zahtjev je odbijen kao neosnovan.

Goran Paklarčić, Sanjin Gazić i Dalibor Augustinović,

7. Dana 14.08.2018.godine oko 23,20 sati po prethodnom dogovoru i zajedno, u namjeri pribavljanja protupravne imovinske koristi **R. N.**, u mjestu Komar na magistralnoj cesti M-5,

općina Travnik po prethodnom dogovoru fingirali prometnu nezgodu, kako bi Radić Nenad naplatio štetu na prethodno oštećenom vozilu marke VW „Polo,, reg. oznaka ***, što su i htjeli, tako što su kod kuće **Sanjina Gazića** u naselju Kalibunar u Travniku dogovorili po uputama **Gorana Paklarčića** ulogu svakog pojedinačno, a zatim su od strane **Gorana Paklarčić i Sanjina Gazić** dobili mobilne telefone sa karticama radi međusobne komunikacije, a zatim se po dogovoru sa naselja Kalibunar ispred kuće osumnjičenog **Sanjina Gazića** dovezli na lice mjesta i to **Sanjin Gazić** vozilom „Mercedes,, reg. oznaka ***, a **N. R.** zajedno sa **M. A.** u vozilu VW „Polo,, reg. oznaka ***, a osumnjičeni **Dalibor Augustinović i Goran Paklarčić** u drugim vozilima, nakon čega su po dogovoru **Goran Paklarčić i Dalibor Augustinović** koristeći mobilne aparate koje im je prije polaska dao osumnjičeni **Sanjin Gazić**, dojavili **N. R.** i **Sanjinu Gaziću** da mogu izvršiti fingiranje nezgode jer su sa pozicije na kojoj su se nalazili vidjeli da nema drugih vozila na tom dijelu ceste, nakon čega se osumnjičeni **N. R.** uputio vozilom VW „Polo,, uz Komar u pravcu Donjeg Vakufa, osumnjičeni **Sanjin Gazić** vozilom „Mercedes,, iz suprotnog pravca, te su na dogovornoj lokaciji ostvarili kontakt, iako su ova vozila od ranije bila oštećena, po kojem dogovoru je **N. R.** na mjestu događaja razbacao plastiku i druge tragove, nakon čega su se sa lica mjesta udaljili **Dalibor Augustinović, Goran Paklarčić i Sanjin Gazić**, a po dolasku policajaca PS Travnik radi uviđaja osumnjičena **M. A.** im lažno prikazala da je ona upravljala vozilom „Mercedes“ te zajedno sa osumnjičenim **N. R.** dala lažne izjave da se dogodila stvarna nezgoda i doveli ih u zabludu i naveli da sačine Zapisnik o uviđaju/očevid prometne/saobraćajne nezgode pod brojem 02/7-3-1-04-6-495/18 od 14.08.2018. godine, sa lažnim podacima da se nezgoda dogodila na način kako je to opisano u zapisniku, nakon čega je osumnjičeni **Goran Paklarčić M. A. i N. R.** po tom osnovu predao dogovoreni iznos od po 300,00 KM, a tako sačinjen zapisnik o uviđaju upotrijebljen od strane **N. R.** u pokušaju naplate štete na vozilu Polo pa kada je utvrđeno da se ne radi o stvarnom događaju zahtjev je od strane ASA osiguranja odbijen.

Goran Paklarčić i Sanjin Gazić

8. Dana 13.02.2016.godine oko 23,10 sati po prethodnom dogovoru i zajedno na regionalnom putu R 413-a u mjestu Ovčarevo, općina Travnik, u namjeri pribavljanja protupravne imovinske koristi za **Sanjina Gazića**, fingirali prometnu nezgodu, tako što su **Goran Paklarčić i Sanjin Gazić** dogovorili način fingiranja prometne nezgode a **Goran Paklarčić** angažirao **V. M.** da se evidentira kao učesnik prometne nezgode za novčanu naknadu od 300,00 KM , pa su po tom dogovoru prethodno **Goran Paklarčić i Sanjin Gazić** na tu lokaciju dovezli neispravno i oštećeno vozilo Audi A3 registarskih oznaka A82 O 014, registrirano na ime osobe M. Š., a koji je dana 12.02.2016.godine ugovorom o komisionoj prodaji preneseno na ime osumnjičenog **Sanjin Gazić**, a potom se **Goran Paklarčić i V. M.** vozilom Audi Q7 dovezli na dogovorenu lokaciju, a **Sanjin Gazić** vozilom VW Santana registarskih oznaka J37 M 743, nakon čega je **Goran Paklarčić** na kolovoznu traku nabacao kamenja kako bi prikazao da je došlo do odrona na cesti, a potom je **Goran Paklarčić** postavio vozilo VW Santana na lijevu kolovoznu traku kako bi prikazao da je to vozilo zaobilazilo odron na cesti, pa dok je sjedio u vozilu **Sanjin Gazić** je po dogovoru „na leri“ iz suprotnog pravca spustio neispravno vozilo Audi do vozila VW Santana i izišao iz vozila, pa kako po dogovoru vozilo Audi se nije odbilo i otkotrljalo u provaliju **Goran Paklarčić** je vozilom VW Santana krećući se unatrag više puta ostvario kontakt sa vozilom Audi i tako ga odgurao u provaliju, a vozilo VW Santana vratio u poziciju na lijevoj kolovoznoj traci pored bačenog kamenja na traci i udaljio se s lica mjesta, nakon čega se po dogovoru **M. V.** po dolasku policajaca PS Travnik na uviđaj predstavio kao vozač vozila VW Santana a **Sanjin Gazić** kao

vozač Audiya A3 i dali lažan iskaz da je zbog odrona na cesti došlo do kontakta vozila i tako naveli da sačine Izvještaj o izvršenom prekršaju prometne/saobraćajne nezgode pod brojem: 02/7-3-04-6-73/16 od 13.02.2016.godine, sa lažnim podacima da se nezgoda dogodila na način kako je to opisano u zapisniku, nakon čega je **Goran Paklarčić Varupa Mirzadu** predao dogovoreni iznos od 300,00 KM, a S. G., u namjeri da sebi pribavi protupravnu imovinsku korist, tako sačinjen zapisnik upotrijebio uz zahtjev za naknadu štete upućen Sarajevo osiguranju d.d. i na taj način doveo u zabludu odgovorne osobe u tom osiguranju, koje je, u uvjerenju da se dogodila stvarna prometna nezgoda, njemu po osnovu štete na vozilu, isplatilo iznos od 10.597,00 KM i po osnovu nematerijalne štete isplatilo iznos od 3.500,00 KM, za koji ukupan iznos od 14.097,00 KM je sebi pribavio protupravnu imovinsku korist.

Goran Paklarčić i Sanjin Gazić

9. Dana 04.12.2016.godine oko 01,25 sati po prethodnom dogovoru i zajedno na regionalnom putu R 413 u mjestu Hajdučki Do, općina Travnik, u namjeri pribavljanja protupravne imovinske koristi Gazić Sanjinu, fingirali prometnu nezgodu, tako što su **Goran Paklarčić i Sanjin Gazić** dogovorili način fingiranja prometne nezgode, a za ostvarenje te namjere angažirali **V. M. i R. A.** da sudjeluju u tim radnjama i da se uz novčanu naknadu od po 300,00 KM evidentiraju kao učesnici prometne nezgode, pa su po tom dogovoru, a radi definiranja uloga svakog pojedinačno, našli ispred kuće **Sanjina Gazića** u naselju Kalibunar u Travniku, odakle su se uputili na dogovorenu lokaciju i to **V. M.** vozilom Škoda Octavia registarskih oznaka **, **R. A.** vozilom Škoda Fabija registarskih oznaka **, a **Goran Paklarčić i Sanjin Gazić** drugim vozilom, pa kada su došli na dogovorenu lokaciju **Goran Paklarčić** je podijelio mobilne telefone sa karticama radi međusobne komunikacije i po tom dogovoru je zadužio **V. M.** da iz pravca Travnika prati kretanje drugih vozila a **R. A.** iz drugog pravca kako bi mu dojavili pogodno vrijeme za fingiranje prometne nezgode, nakon čega su **Goran Paklarčić i Sanjin Gazić** ostavili vozila u zamišljenu poziciju prometne nezgode te kada su po dojavi **V. M. i R. A.** da je prostor, „čist“ ostvarili kontakt i odgurali vozilo Škoda Octavia van kolovoza, nakon čega su **M. V. i A. R.** po dolasku policajaca PS Travnik na uviđaj lažno se predstavljajući kao vozači vozila dali lažan iskaz da je došlo do stvarne prometne nezgode i tako naveli da sačine Izvještaj o izvršenom prekršaju prometne/saobraćajne nezgode pod brojem 02/7-3-04-6-700/16 od 04.12.2016.godine, sa lažnim podacima da se nezgoda dogodila na način kako je to opisano u zapisniku, nakon čega je **Sanjin Gazić V. M. i R. A.** predao dogovoreni iznos od po 300,00 KM, a tako sačinjen zapisnik o uviđaju je **Sanjin Gazić** upotrijebio kao pravi uz zahtjev za naplatu štete od strane Central osiguranja, kako bi isto doveo u zabludu da se dogodila stvarna prometna nezgoda, a što je i htio, koje osiguranje je, u uvjerenju da se radilo o stvarnoj prometnoj nezgodi izvršilo isplatu štete za vozilo Škoda Fabia u iznosu od 6.067,00 KM na račun njegovog oca G. Đ., u kojem iznosu je Sanjin Gazić pribavio protupravnu imovinsku korist.

Goran Paklarčić, Sanjin Gazić i Dalibor Augustinović

10. Dana 25.11.2018.godine oko 21,45 sati u mjestu Goleš, općina Travnik po prethodnom dogovoru i zajedno, u namjeri pribavljanja protupravne imovinske koristi, fingirali prometnu nezgodu tako što su prethodno ispred kuće **Sanjina Gazić** u mjestu Kalibunar u Travniku dogovorili način fingiranja prometne nezgode i ulogu svakoga pojedinačno u tome, pa su odvezli vozila na dogovorenu lokaciju a pri tome na kolovozu posuli komadiće plastike i stakla, pa je

prethodno na toj lokaciji **Sanjin Gazić** dovezao vozilo Alfa Romeo reg. oznaka ***, a **Goran Paklarčić** vozilo Audi A6, reg. oznaka ****, a **Dalibor Augustinović** vozilo VW Golf VII, reg. oznaka ***, nakon čega su **Goran Paklarčić i Sanjin Gazić** se udaljili sa lica mjesta a **Augustinović Dalibor, V. M. i N. M.** po uputama **Gorana Paklarčić** policajcima policijske stanice Travnik dali lažne izjave o načinu nastanka nezgode tako što je **V. M.** lažno izjavio da je upravljao vozilom Alfa Romeo, **N. M.** vozilom Audi A6, a **Dalibor Augustinović** vozilom Golf VII i naveli ih da sačine Izvještaj o izvršenom prekršaju o saobraćajnoj nezgodi broj: 02/7-3-1-04-6-744/18 od 25.11.2018.godine sa lažnim podacima o načinu nastanku prometne nezgode i učesnicima nezgode, nakon čega je **Goran Paklarčić Daliboru Augustinović, M. V. i M. N.** za sudjelovanje u opisanim radnjama predao dogovoreni iznos novca od po 300,00 KM, nakon čega je na osnovu tako sačinjenog zapisnika odnosno izvještaja o izvršenom prekršaju sa saobraćajnom nezgodom, po zahtjevu vlasnika vozila Audi A6 Rade *** Euroherc osiguranje isplatilo naknadu, u uvjerenju da se radi o stvarnoj šteti na vozilu i da se dogodila stvarna prometna nezgoda, u iznosu od 25.970,00 KM, a vlasniku vozila Golf VII Jovi Štikovac putem punomoćnika E. L. iznos od 32.248,07 KM, za koje iznose je oštećeno Euroherc osiguranje.

Goran Paklarčić i Sanjin Gazić

11. Dana 11.05.2019.godine oko 21,15 sati, u namjeri pribavljanja protupravne imovinske koristi Goranu Paklarčić i Sanjinu Gazić, na regionalnoj cesti R 413-a u mjestu Ovčarevo, općina Travnik po prethodnom dogovoru i zajedno sa A. A. i G. I. fingirali prometnu nezgodu tako što su prethodno ispred kuće **Sanjina Gazić** u mjestu Kalibunar u Travniku dogovorili način fingiranja prometne nezgode i ulogu svakoga pojedinačno u tome, a koji plan i zadatke svakog je objasnio **Goran Paklarčić**, pa su se dovezli na dogovorenu lokaciju i to **Goran Paklarčić i A. A.** vozilom Golf VII registarskih oznaka ***, koje vozilo je formalno u vlasništvu I. G., a **Sanjin Gazić i I. G.** vozilom Škoda Felicia registarskih oznaka ***, nakon čega su **Goran Paklarčić i Sanjin Gazić** ostvarili kontakt vozilima i stvorili zamišljenu poziciju prometne nezgode, nakon čega su se **Goran Paklarčić i Sanjin Gazić** udaljili sa lica mjesta a **A. A. i I. G.** policajcima policijske stanice Travnik po uputama **Gorana Paklarčića i Sanjina Gazića** dali lažne izjave o načinu nastanka nezgode tako što je **A. A.** lažno izjavio da je upravljao vozilom Škoda Felicia, a **I. G.** vozilom Golf VII i naveli ih da sačine Izvještaj o izvršenom prekršaju o saobraćajnoj nezgodi broj: 02/7-3-1-04-6-276/19 od 11.05.2019.godine sa lažnim podacima o načinu nastanku prometne nezgode i učesnicima nezgode, nakon čega je **Goran Paklarčić, A. A. i I. G.** za sudjelovanje u opisanim radnjama predao dogovoreni iznos novca od po 300,00 KM, nakon čega su Goran Paklarčić i Sanjin Gazić uz zahtjev za naknadu štete na vozilu „Golf“ upotrijebili tako sačinjen zapisnik, iako su znali da se nije dogodila stvarna prometna nezgoda i da će navesti odgovorne osobe Osiguravajuće kuće „Adriatic Osiguranje“ d.d., u zabludu da se dogodila stvarna prometna nezgoda, što su i htjeli, pa je Osiguravajuća kuća „Adriatic Osiguranje“ d.d., u uvjerenju da se radilo o stvarnom štetnom događaju, isplaćena u iznosu od 11.903,71 KM na račun G. I. kod Unicredit bank, koji iznos je G. I. odmah nakon podizanja u banci dana 30.07.2019.godine predao Sanjinu Gaziću, a Sanjin Gazić odmah nakon toga, po osnovu ranijeg svog duga prema Goranu Paklarčić, u prisustvu I. G. u kafeu Picikato u naselju Kalibunar u Travniku cjelokupan novac predao Goranu Paklarčiću, na koji način su Goran Paklarčić i Sanjin Gazić sebi pribavili protupravnu imovinsku korist.

Goran Paklarčić i Sanjin Gazić

12. Dana 23.09.2018.godine oko 20,15 sati, u namjeri pribavljanja protupravne imovinske koristi, na magistralnoj cesti M5 u mjestu Donje Putićevo, općina Travnik po prethodnom dogovoru i zajedno fingirali prometnu nezgodu tako što su **Goran Paklarčić i Sanjin Gazić** dogovorili sa **A. A. i M. N.** da uz naknadu od 300,00 KM sudjeluju u fingiranju prometne nezgode, pa je po tom dogovoru **A. A.** upravljajući vozilom VW Touran registarskih oznaka *** kroz mjesto Donje Putićevo u pravcu Travnika a **M. N.** vozilom VW Passat registarskih oznaka *** koje je Komisionim ugovorom broj: 034672 od 21.09.2018.godine preneseno na osobu K. S., pa kada je po dogovoru **A. A.** upravljajući tim vozilom, za koje vrijeme je sa njim u vozilu bio **Sanjin Gazić**, sustigao vozilo Passat a **M. N.** po dogovoru smanjio brzinu, prednjim dijelom vozila VW Touran je ostvario kontakt sa zadnjim dijelom vozila Passat i tako ga odgurao u kanal sa desne strane puta, nakon čega su **A. A. i M. N.** policajcima policijske stanice Travnik po uputama **Gorana Paklarčića i Sanjina Gazića** dali lažne izjave o načinu nastanka nezgode i naveli ih da sačine Izvještaj o izvršenom prekršaju o saobraćajnoj nezgodi broj: 02/7-3-1-04-6-599/18 od 23.09.2018.godine sa lažnim podacima o načinu nastanku prometne nezgode i učesnicima nezgode, nakon čega su **Goran Paklarčić i Sanjin Gazić, A. A. i M. N.** za sudjelovanje u opisanim radnjama predao dogovoreni iznos novca od po 300,00 KM, nakon čega je takav zapisnik korišten u postupku naplate štete na vozilu Passat koja je od strane „Triglav BiH Osiguranje“ d.d. isplaćena dana 05.11.2018.godine u korist K. S. u iznosu od 17.660,05 KM.

Goran Paklarčić i Sanjin Gazić,

13. Dana 08.10.2019.godine oko 21,00 sat, u namjeri pribavljanja protupravne imovinske koristi Saši Rađević i Nikoli Tomić, na magistralnoj cesti M5 u mjestu Donja Trebeuša, općina Travnik po prethodnom dogovoru i zajedno sa **A. A., S. R. i N. T.** fingirali prometnu nezgodu tako što su **Goran Paklarčić i Sanjin Gazić** dali upute o načinu fingiranju nezgode i ulozi svakog pojedinačno, po kojem dogovoru su **Goran Paklarčić i Sanjin Gazić** od ranije oštećenom vozilu Golf 7 registarskih oznaka *** za koje je bilo u nepokretnom stanju dovezli na vučnom vozilu i spustili niz obalu pored ceste, a **A. A.** je upravljajući vozilom Škoda Fabia registarskih oznaka **** stvorio zamišljenu situaciju preticanja vozila Porsche ***, koje je od ranije bilo oštećeno i ostvario blagi kontakt sa tim vozilom a potom zaustavio vozilo na sredini kolovoza i time stvorili zamišljenu situaciju da je vozilo Škoda u fazi preticanja ostvarilo kontakt sa vozilom Porsche, a da je vozio Golf krećući se iz suprotnog pravca zbog nemogućnosti izbjegavanja kontakta sa vozilom Škoda sletilo niz padinu, pa kada su se Goran Paklarčić i Sanjin Gazić udaljili sa lica mjesta, **A. A., N. T. i S. R.** su policajcima policijske stanice Travnik po prethodno datim uputama **Gorana Paklarčića i Sanjina Gazića** dali lažne izjave o načinu nastanka nezgode i naveli ih da sačine Izvještaj o izvršenom prekršaju o saobraćajnoj nezgodi broj: 02/7-3-1-04-6-642/19 od 08.10.2019.godine sa lažnim podacima o načinu nastanku prometne nezgode i učesnicima nezgode, nakon čega su **S. R. i N. T.** tako sačinjen izvještaj upotrijebili u postupku po zahtjevu za naknadu štete od osiguravajućih kuća, pa kada je utvrđeno da se radi o fingiranoj nezgodi, zahtjevi su odbijeni.

Goran Paklarčić i Sanjin Gazić

14. Dana 08.11.2018.godine oko 19,00 sati po prethodnom dogovoru i zajedno sa **E. Š. G.** u ulici Fatmić u Travniku, općina Travnik, koja je na njihov nagovor pristala da sudjeluje u fingiranju prometne nezgode, pa je po tom dogovoru **Goran Paklarčić** upravljajući vozilom BMW X5 registarskih oznaka **** namjerno krećući se unatrag ostvario kontakt sa parkiranim vozilom marke Audi A8 bez registarskih oznaka, nakon čega se on udaljio sa lica mjesta a ona po dolasku policajaca PS Travnik B. M i E. L. radi uviđaja, po uputama Gorana Paklarčića im je dala lažan iskaz da je ona upravljala vozilom BMW X5 i tako ih navela da sačine Izvještaj o izvršenom prekršaju sa saobraćajnom nezgodom broj: 02/7-3-2-04-6-709/18 od 08.11.2018.godine, nakon čega je **Goran Paklarčić** u izvještaju unio lažne podatke da je parkirano vozilo Audi A8 bilo u posjedu **Dalibora Augustinovića** i unio lažne podatke da je **Dalibor Augustinović** učesnik nezgode pod rednim brojem 2 i da je policajcima policijske stanice Travnik dao izjavu o nastanku i načinu prometne nezgode a zatim na zadnjoj stranici izvještaja krivotvorio njegov potpis, nakon čega je, u namjeri da sebi pribavi protupravnu imovinsku korist, takav zapisnik sa lažnim podacima upotrijebio u postupku naplate štete na vozilu Audi, svjestan da time može dovesti u zabludu odgovorne osobe u osiguravajućoj kući i htijući to, pa je Grawe osiguranja dd, u uvjerenju da se radilo o stvarnom događaju izvršilo isplatu štete na ime Dalibora Augustinovića u iznosu od 1.770,00 KM, koji iznos je Dalibor Augustinović odmah nakon podizanja sa računa njemu predao.

Goran Paklarčić i Sanjin Gazić

15. Dana 28.02.2017.godine oko 20,55 sati, u namjeri pribavljanja protupravne imovinske koristi za Matu Paklarčić po prethodnom dogovoru i zajedno sa **R. A. i M. P.** u ulici Ive Andrića u Novom Travniku, fingirali prometnu nezgodu tako što je **R. A.** na nagovor **Gorana Paklarčića** pristao da sudjeluje u fingiranju prometne nezgode, nakon čega su se po dogovoru **Goran Paklarčić i Sanjin Gazić** vozilom marke Peugeot 307 registarskih oznaka *** vlasništvo **R. A.** dovezli na regionalnu cestu R 413 u blizini lokacije zvane „Smetljište“, a **Sanjin Gazić** je na tu lokaciju dovezao vozilo marke Mercedes registarskih oznaka **** na kojoj lokaciji je **Goran Paklarčić** upravljajući vozilom Peugeot krećući se unatrag zadnjim dijelom tog vozila ostvario kontakt sa prednjim dijelom vozila Mercedes, koju radnju je ponovio nekoliko puta i na taj način načinio oštećenja na prednjem dijelu vozila Mercedes, a potom su se odvezli na parking prostor u ul. Ive Andrića u Novom Travniku i to **Sanjin Gazić** vozilom Mercedes, a **Goran Paklarčić i R. A.** vozilom Peugeot, na kojem parkingu je po dogovoru je **Goran Paklarčić** pod vozilom Peugeot kretanjem unazad udario vozilo Mercedesi odmah se udaljio sa lica mjesta zajedno sa **Sanjinom Gazić**, a po dolasku policajaca PS Novi Travnik radi uviđaja **R. A.** je po dogovoru sa **Goranom Paklarčić i Sanjinom Gazić** dao lažan iskaz da je on upravljao vozilom Peugeot i da je ostvario kontakt sa vozilom Mercedes, a **M. P.** da je on parkirao vozilo Mercedes na tu lokaciju i tako ih naveli da sačine Izvještaj o izvršenom prekršaju sa saobraćajnom nezgodom broj: 02/7-4-04-6-28/17 od 28.03.2017.godine, nakon čega je **Goran Paklarčić, R. A.** za sudjelovanje u opisanim radnjama predao dogovoreni iznos novca od 350,00 KM na ime naknade i plaćanje kazne po prekršajnom nalogu, nakon čega je M. P. koristeći tako sačinjen zapisnik sa lažnim podacima upotrijebio u postupku naknadu štete, dovodeći odgovorne osobe u Camelia osiguranju, koje osiguranje je u uvjerenju da se radilo o stvarnom događaju isplatilo štetu u iznosu od 272,00KM, u kojem iznosu je M. P. pribavljena protupravna imovinska korist.

Goran Paklarčić i Sanjin Gazić,

16. Dana 10.12.2019.godine oko 19,10 sati po prethodnom dogovoru i zajedno, u namjeri pribavljanja protupravne imovinske koristi, u mjestu Donje Putićevo, općina Travnik, a nakon što je **A. A.** uvezao vozilo VW Passat registarskih oznaka **, te isto registrirao na ime **K. A.**, na magistralnoj cesti M5 fingirali prometnu nezgodu tako što su prethodno po dogovoru u automehaničarskoj radionici vl. Dalibora Augustinović u mjestu Divjak, općina Vitez na vozilo ugradili oštećene dijelove, a demontirali sa vozila ispravne dijelove, pa su dana 10.12.2019.godine oko 19,10 sati **A. A.**, zajedno sa **Goranom Paklarčić i Sanjinom Gazić** dogovorio mjesto i način fingiranja prometne nezgode u mjestu Donje Putićevo, općina Travnik te prethodno dogovorio sa osobom **N. Š.** da stavi na raspolaganje svoje vozilo Ford registarskih oznaka **, pa su se po tom dogovoru iz Viteza sa prostora auto pijace gdje **Š. N.** posjeduje piljaru za prodaju voća, uputili na dogovorenu lokaciju u mjestu Donje Putićevo i to **Gazić Sanjin** vozilom Ford a sa njim u vozilu **Š. N.**, a **Goran Paklarčić** sa **K. A.** vozilom VW Passat, nakon čega su na dogovorenoj lokaciji ostvarili dogovoreni kontakt vozila tako što je **Sanjin Gazić** prednjim dijelom vozila Ford ostvarilo kontakt sa zadnjim dijelom vozila VW Passat, koje je uslijed toga sletilo u kanal sa desne strane ceste, a nakon ostvarenog kontakta **Goran Paklarčić i Sanjin Gazić** su se u drugom vozilu Ford, kojeg je po prethodnom dogovoru na dogovorenu lokaciju dovezao **A. A.**, zajedno sa **A. A.** udaljili sa lica mjesta, a po prethodnom dogovoru sa Goranom Paklarčić, Sanjinom Gazić i **A. A.**, **Š. N. i K. A.** su ostali na licu mjesta i po dolasku policajaca PS Travnik na uviđaj dali lažne izjave da su oni upravljali vozilima i to **Š. N.** vozilom Ford, registarskih oznaka E95-A-434, a **K. A.** vozilom VW Passat, reg. oznaka A68-T-918 i da se dogodila stvarna prometna nezgoda i da su oštećenja na vozilu Passat nastala u tom a ne u nekom drugom događaju i tako ih naveli da sačine Zapisnik o uviđaju saobraćajne nezgode broj: 02/7-3-1-04-6-791/19 od 10.12.2019.godine, a koji zapisnik je korišten u postupku naknade štete na vozilu Passat, a na osnovu kojeg je Adriatic osiguranje, u uvjerenju da se radilo o stvarnom događaju, dana 17.02.2020.godine na račun vl. **K. A.** uplatilo iznos od 18.500,00 KM u kojem iznosu je oštećeno Adriatic osiguranje.

Goran Paklarčić i Sanjin Gazić

17. Dana 31.07.2016.godine po prethodnom dogovoru i zajedno, u namjeri pribavljanja protupravne imovinske koristi Gazić Sanjinu, koji je imao u posjedu vozilo Golf V registarskih oznaka M01 K 862 registrirano na ime njegovog oca **G. Dž.**, na prijedlog Gorana Paklarčića fingirali prometnu nezgodu na putu M-109 u mjestu Komar, općina Travnik, tako što je po dogovoru Goran Paklarčić na dogovorenoj lokaciji zaustavio vozilo Golf V a Sanjin Gazić iz suprotnog pravca ostvario kontakt sa vozilom Golf 19 E registarskih oznaka **, nakon čega je po dogovoru Goran Paklarčić se udaljio sa lica mjesta, a po dolasku policijske patrole PS Travnik radi uviđaja po dogovoru **M. A.** se predstavio kao vozač vozila Golf 19 E, a Gazić Sanjin vozač vozila Golf V i tako ih naveli da sačine Izvještaj o uviđaju saobraćajne nezgode broj: 02/7-3-1-04-6-416/16 od 31.07.2016.godine, sa lažnim podacima o učesnicima i načinu nastanka nezgode, a koji izvještaj je Sanjin Gazić upotrijebio u postupku naknade štete od Triglav osiguranja, iako je znao da su u zapisniku unešeni lažni podatci i da će dovesti u zabludu odgovorne osobe u Triglav osiguranju, što je i htio, a koje osiguranje je dana 14.09.2016.godine, u uvjerenju da se radilo o stvarnom događaju, izvršilo isplatu u iznosu od 7,000.00 KM, u kojem iznosu je sebi pribavio protupravnu imovinsku korist, a za sudjelovanje u radnjama fingiranja prometne nezgode **M. A.** predao dogovoreni iznos novca od 300,00 KM i novac za plaćanje kazne po prekršajnom nalogu.

Čime su počinili:

1. Goran Paklarčić krivično djelo Udruživanje radi činjenja krivičnog djela iz člana 340 stav 1 KZ F BiH u sticaju sa produženim kaznenim djelom Ovjeravanje neistinitog sadržaja iz člana 375 stav 1 KZ F BiH sa produženim krivičnim djelom Prijevare iz člana 294 stav 2 KZ F BiH a sve u vezi sa članom 31 KZ F BiH.

2. Sanjin Gazić krivično djelo Udruživanje radi činjenja krivičnog djela iz člana 340 stav 2 KZ F BiH u sticaju sa produženim kaznenim djelom Ovjeravanje neistinitog sadržaja iz člana 375 stav 1 KZ F BiH u sticaju sa produženim krivičnim djelom Prijevare iz člana 294 stav 2 KZ F BiH a sve u vezi sa članom 31 KZ F BiH.

3. Dalibor Augustinović kazneno djelo Udruživanje radi činjenja krivičnog djela iz člana 340 stav 2 KZ F BiH u sticaju sa produženim kaznenim djelom Ovjeravanje neistinitog sadržaja iz člana 375 stav 1 KZ F BiH.

ZAMJENIK
GLAVNOG KANTONALNOG TUŽIOCA